

轉經受生願所啓上徹徑御

无上三十二天元始上帝至尊凡前畢引系

三十二迴東向誦經

无上玄元三境之總稱誦持當奏元始故先啓道君存於己身之首泥丸宮中身中

三五功曹等神存自身中出森列左右前後每一人詣一天各三十二人並出闡啓所言具位默奏事意當隨所禱至誠述事

今日吉慶長齋今日者某日吉慶如不長齋止言持齋清堂修行至經若不明三洞

中盟之道平時不曾修行則但言清堂誦經无量度人為十方顯言或為一事則

只言為某事誦經臣及甲乙為己不言及為人不言臣徑御无上三十二天元始上帝至尊凡前乃三十二天帝并元始上帝

凡前引系三十二過亦每天引一系也東向者以其生系之始也内外三系洞明依法持誦

元始無量度人上品妙經通義卷之一

元始無量度人上品妙經通義卷之二 末五

三洞發覺為開覺其命續卷五元始中如註

元始無量度人上品妙經

此正經之題也正經乃元始所說故止題曰元始無量度人上品妙經此乃道君標

經首曰元始以明此經為元始天尊所說无量度人總一經之本旨此經居品秩之首故曰上品妙經也

元始洞玄靈寶本章

元始一系之元萬化之始是為虛皇天尊

應化之號本章冠以元始二字明皆元始天尊之言也洞玄居三洞之一經品之名也靈寶乃道君之號道君名經寶以諸經

皆由道君演說也道寶經寶師實在天地之先皆由玄元始三系化生故是經亦由梵清景三系結為靈象天尊然後天真皇

人接筆乃書而成經文元始居於空洞虛玄之中說此經是為靈寶諸經之本居諸經之首故曰本章內而修之即金液大丹之異名也疑神為靈聚系為寶則根塵洞

徹我之元神亘古今而不壞是為先天真

一之本也

上品妙首十迴度人百魔隱顯離合自然

顯卷曰此正經之小序也上品妙首經品之上衆妙之首十迴度人十乃五行生成

之數萬物皆具此理度人度鬼必周迴十過終而復始而後十轉回靈也百魔隱顯少微曰魔非妖魔魔鬼之魔如五帝大魔南極長生度世司馬等神是也故靈寶呪中真王朱陵青華皆與五天大魔並列也

隱顯即隱名隱諱之類也離合自然以隱顯之音一離一合自然而然而無常跡也蓋先天一系化生萬彙一本而萬殊合也

萬殊而一本離也周回無窮循環無端不能窺造化之跡也丹道以十月胎圖而後

神化與天地同途造化同機莫不以十為全數人之脩鍊所難者身中六根八識三魂七魄三部八景之神動為魔試汨亂心

君其離合紛擾不能少息既知脩鍊十回之功則百魔受制而歸於自然矣

混洞赤文无无上真元始祖劫化生諸天開明三景是為天根上无復祖惟道為身

少微曰自然以前是道君小序混洞以後是天尊本章混者混然未分洞者空而無質即混池未分之先一炁胚渾於空洞之中也赤文者赤書真文經曰洞陽炁赤故號赤書是也皆先天之炁至陽之精光而成象也五老上帝云元始洞玄靈寶赤書生於元始之先空洞之中幽冥冥无祖无宗結炁浮空乘機應會者此也无无上

真一炁肇於太无之始經曰无无亦无是也无上之最上真中之至真所謂先天地生也祖祖炁也劫者天地一成一敗為一劫祖劫乃天地世界初生之始未經敗壞也玄元始炁為萬物之祖造化五億諸天皆由祖炁化生而有經曰道為萬物母是也蕭觀復曰自一炁而立三境由三境而生九天三境之下各生三天合有三十六天次下四種民天次分三界二十八天次八梵天以至化生五億諸天皆由祖炁為

之本根也闡明三景三境者清微禹餘大赤三天也三景又曰日月星三光也天地人三極三才三界也太上曰道生一即一炁也一生二即兩儀也三生萬物即三景也三炁合生為九炁三炁乃天地之宗萬物之根皆由祖劫化生而後闡明天地由之以生是為天根也上无復祖惟道為身道以虚无為宗不可以象求是曰強名故无形无名无聲无臭大包天地囊括宇宙其上它无所祖者道也儒曰無極釋曰真

空道曰太虚其理一也人之修鍊來祖炁於先天之初結為金母周流六虚皆二炁網緼開闔而不息久之造二炁於黃道會三性於元宮則二五之精妙合而較生生無窮而成法身即元始之天根也

五文開廓普相神靈无文不光无文不明无文不立无文不成无文不度无文不生是為大梵天中之天
五文者五篇真文也即五篇敷落之文生天立地飛潛動植蠢動含靈凡有形氣之

物皆由之以生化故自陰陽分別以來其文開廓普植萬類五文在天為五星在地為五嶽在人為五行在物為五炁至大至微之物莫不圓於其中故一無是文則不先不明不立不成不度不生而天地萬物皆無所運於造化之機矣人身一小天地其靈於萬物也先天一炁為之丹基五行布列於鼎器之中金木交并水火合始二土為圭於中顛倒陰陽既濟之後情歸性則汞投於鉛藥得火則砂產於銀莫非金

母為根流成就己見土而成丹丹成則其神靈妙化不可窺測皆五行之全體也其光明猶日月之明其立猶天地之成立能度能生者即元始也是為大梵天中之天結前經文之旨故曰是為也大梵即大行梵炁也天中之天三十二天中之天莫非梵炁流行周回不息猶身之一炁循環皆天命流行百脉九竅無往不復即梵炁之周布也
鬱羅蕭臺玉山京上極无上大羅王清渺

渺劫何若亡者存

大羅天之上有三京山以玉為京故曰玉山上京鬱羅之臺又居玉京之上窮高極遠无上之上也是為大羅之天王清金闕居於其中其大無際包羅萬界故渺渺劫何不可窮極而梵炁結空本非色象可求是曰若亡若存凡天地一成一壞為一劫大羅之境非於曠劫之先歷劫而不壞何者不可以限量測也其渺漠恍惚與太虛同體无形无名非可以跡求也鬱羅蕭臺在身則腦際也玉山上京者泥丸也泥丸為天門乃萬神之府是為大羅之景玉清居其中渺渺劫何若亡若存己之真性渺漠無朕恍惚中之有物歷浩劫以長存所謂不壞之元神故居於三界之上矣

三華離便大有妙庭金闕玉房森羅淨泓大行梵炁周迴十方

幽棲曰三華玉清三元宮也上元玉華中元金華下元九華三元上皇道君居之乃玉清之離宮便殿大有即高上大有玉清

官天尊所御故曰妙庭三者南方之火數

屬離即泥丸腦際也金闕玉房即黃庭絳宮也森羅者周天星宿也淨泓者二池之瑩徹即身中之坎離也大行梵炁周迴十方者大羅玉清之景梵炁流行周布十方无極之界萬靈皆沾元始一炁化生無窮矣丹經曰三宮混合會三性於元宮身之神炁精即三華也元神居於靈臺之中即大有妙庭也我之金樓玉室即天之金闕玉房也五星列宿森羅煥耀於淨泓池水之中即周天火候列宿乘星環繞於坎離水火昇降之內乾坤鼎器既濟之間則九還金液之道成矣先天真一之炁晝夜循環周而復始皆稟坎戊月精離己日光符火進退交姤溫養而成金胎猶歷六十四卦既周則百脉歸元九竅洞明豈非梵炁周流十方俱徧皆為淨泓之景矣
中有度人不死之神中有南極長生之君中有度世司馬大神中有好生韓君大人中有南上司令司錄延壽益壽度厄尊神週散起

死无量度人今日校錄諸天臨軒

默菴曰此言諸天齊集考校學士功過世人罪福仙師曰梵炁周迴於十方之域而十方之中有神主司度世不死之事非言神不死也南極長生君即南極長生大君主治生錄也又曰即朱陵大帝度世司馬大神即南宮有司馬大神主司度世好生韓君大人治南昌上宮監長生之籍南上司令司錄延壽益壽度厄尊神南上有洞陽宮之別名又曰即南昌上宮朱陵火府尊神即南斗六司真君自中有度人至南極諸真雖各隸一司皆能週散起死劫劫度人是以度世无量也身中之神各居絳宮玄闕泥丸之內故曰中有所謂南極南昌皆心也經曰无量大神皆由我身是也脩真之士金液鍊形而後形神俱妙周迴十方皆可度世度厄週散起死矣今日校錄今日者赤明劫初在大浮黎土開圖校錄之日乃校量罪福紀錄功過而諸天神王大聖皆臨軒而會以聽天尊宣演受度

也

東方无極飛天神王長生大聖无量度人
 南方无極飛天神王長生大聖无量度人
 西方无極飛天神王長生大聖无量度人
 北方无極飛天神王長生大聖无量度人
 東北无極飛天神王長生大聖无量度人
 東南无極飛天神王長生大聖无量度人
 西南无極飛天神王長生大聖无量度人
 西北无極飛天神王長生大聖无量度人
 上方无極飛天神王長生大聖无量度人
 下方无極飛天神王長生大聖无量度人
 十方飛天大聖皆元始道炁分形化炁冰
 湖薛季昭曰十方長生大聖即十方救苦
 天尊自開圖校錄奉元始命掌十方三界
 校錄功德闢度无量總括生死陶鑄學人
 道藏云八方諸天皆有無極大千世界東
 方无極諸天安大堂鄉大千納善世界南
 方无極諸天宛黎城境大千善賢世界西
 方无極諸天福堂洲大千威行世界北方
 无極諸天鬱單野大千清淨世界東北无

極諸天福集都大千長安世界東南无極
 諸天元福田大千用賢世界西南无極諸
 天延福鄉大千仁靜世界西北无極諸天
 福德野大千延賢世界上方上清玉真三
 十六天玄都无極世界下方黃曾三十二
 天八圓无極世界又曰五嶽五帝洞陰清
 靈北都羅鄴諸宮唐之眾此十方无極飛
 天神王皆主長生度世之職故曰長生大
 聖從劫至劫度人得道成真無有限量是
 曰无量度人

十方至真飛天神王長生度世无量大神並
 乘飛雲丹輿綠輦羽蓋瓊輪駉駕朱鳳五色
 玄龍建九色之節十絕靈幡前備九鳳齊唱
 後吹八鸞同鳴獅子白鶴嘯歌豈
 此總前十方飛天神王无量大神皆天至
 真也昔元曰輿輦輪蓋皆陽精之炁所成
 鳳龍獅鶴乃陰精之炁所化上聖具真常
 之道呼吸合散隨意現前陰陽之炁調和
 成歌成曲皆炁所為並非外物也凡借還
 丹功成陰魔亦化陽神元炁一呼萬神咸

聽五臟神靈各隨方色自現與輦儀衛來
 迎百骸眾神前導後從昇舉朝元與天真
 大聖之會無異也
 五老啓途羣仙翼轅億乘萬騎浮空而來傾
 光迴駕監真度生

十方大聖道位尊隆乃感五帝前導群仙
 駉乘是以億乘萬騎浮空駕景而至矣五
 老者東方青靈始老姓闡諱開字靈威仰
 南方丹靈真老姓洞浮諱極炎字赤燦營
 中央元靈元老姓通班諱元氏字合樞紐
 西方皓靈皇老姓上金諱昌開字耀魄實
 北方五靈玄老姓黑節諱靈會字隱侯局
 五帝皆天真自然之神由祖炁妙化而為
 五行即五炁也故曰元始五老非積學而
 成真者自受命降符各鎮一方大劫交周
 其位乃易故東方屬木主春今生萬物南
 方屬火主夏令長萬物中央屬土旺於四
 季和萬物西方屬金主秋今成萬物北方
 屬水主冬今藏萬物所謂五炁順布也五
 行乃法身之正炁火龍水虎顯倒流布於

鼎器之中萬神攬簇於九官則五炁朝元百靈衛體是猶千乘萬騎得空而來也傾先者流精玉光也迴駕者飛雲丹霄也十方大聖朝集帝所輪轂迴旋天尊之法座以監領眾真校度群品也在內則迴已之

真光洞照靈府則坎離既濟鉛汞相投神不外馳六轡俱息而後陽光下傾陰滓上營真神化生自能監真度生周迴十方矣諸天丞相南昌上官韓司主錄監生大神執錄把籍齊到帝前隨所應度嚴校諸天

默菴曰此言諸天齊集考校學士功過世人罪福諸天丞相即大羅無極神公南昌上官即朱陵火府在赤明和陽天也韓司者即可韓丈人主錄度文籍之事監生大神主度魂受生之職錄籍者紀學士世人功過罪福也各司掌錄之神齋持錄籍齊會天尊之前校功量福普度人天校其應受度者或宿名玄圖骨相合仙或備齋奉戒功德積感或敬奉三寶善功徹天或供養師寶為三官所稱紀名諸天者嚴校錄

籍據功量品隨其高下應受昇度矣觀復曰此以上正文王晨道君序述

普告三界無極神鄉泉曲之府北都羅鄧三官九署十二河源

三界者欲界色界無色界也無極神鄉者十方無極世界也泉曲之府九幽長夜之府也北都羅鄧者下元正北有一大海穢氣惡腥莫測邊際中有一山上叅碧落下入風泉皆黑鬱之氣盤結而成名曰北都羅鄧山有大洞曰陰景天宮中有三十六獄太陰天君主之內有六洞六天大魔王各主一司其一曰紂絕陰天宮其二曰泰殺諒事宗天宮其三曰明晨耐犯武城天宮其四曰怡照罪氣天宮其五曰宗靈七非天宮其六曰敢司連宛屢天宮人能持此六洞之名常生敬畏則魔王保舉削落罪名生死受賴獲福無窮矣三官九署者天地水三官治三元考校之司上元天官隸玉清境設三宮九府三十六曹中元地官隸上清境設三宮九府四十二曹下元

水官隸太清境設三宮九府四十二曹其中元下元官僚皆死而有功德之魂受度得任各依年限功滿進昇天府功未滿者還生人中九署者又曰乃九壘土皇九令之司十二河源者月為太陰之精諸水之母東井為天河之源泉水所會太陰一月一周天故十二月皆過東井沃黃華之甘露以濯鍊之死魂亦資此蕩形而後度品南宮矣人身心為南昌即朱陵府也經曰靈寶无量光洞照炎池煩心虛則神光洞照腎部之下皆為幽陰泉曲之府即北都羅鄧也以我真光朗徹明燭幽暗運太陰之真水於東井蕩滌幽魂而後濟以太陽南離之真火以煅鍊之雖無極神鄉之魂爽皆普告而度矣

上解祖考億劫種親疾除罪簿落滅惡根不得拘留逼合鬼羣

人之祖考凡子孫不能脩善積德必殃及九祖皆至淪墜無有出期能知脩崇經教遷善布福然後上解祖考之罪障以及種

親之遠亦皆獲度矣觀復曰每三官校錄子孫有大功玉帝敕命即超度九玄七祖一身受度則九祖蒙恩故今疾除罪簿而惡根亦隨落滅矣惡根者惡念根性罪簿者冥司所錄輕重罪籍蒙恩開度大宥

其業則惡根盡滅名籍除落雖冥曹亦不得拘留逼合鬼羣凡億劫之親皆乘善度矣能知脩鍊之士不為華競所撓嗜慾所昏體性湛然圓通明妙則三尸六賊不能汨亂穢濁修鍊久之萬炁朝生門百神守死尸不致沉滯苦趣億曾萬祖咸遂昇遷矣

元始符命時刻外遷北都寒池都衛形魂制魔係舉度品南宮死魂受鍊仙化成人身身受度劫劫長存隨劫輪轉與天齊年永度三途五苦八難超凌三界道遙上清

默菴曰此言學士祖考受鍊自身受度也元始符命若靈寶法中之生天寶籙救苦九龍符命諸真符簡皆元始天尊降敕頒命九霄九司救下三界十方而行是以時

刻即可升遷北都寒池即羅酆泉曲也部衛形魂者人死則形離魂散北帝承救部衛亡魂不致散亂制諸魔王保舉則度品朱陵南宮受鍊死魂處於幽暗極陰之府承天尊慈光一燭具陽內鍊則幽暗親明而陰淨陽純仙化成人矣其能脩經教滌鍊形神則生身受度劫劫不失人身而真性長存矣隨劫輪轉與天齊年者劫數終有敗壞凡囿於形氣者厥有輪轉惟得仙之士一靈妙本曠劫不壞與天地齊其長

久永度三途五苦八難者三途第一色慾門上尸道天塗界第二愛慾門中尸道人塗界第三貪慾門下尸道地塗界又名三惡善過人學仙之路五苦者色累苦心愛累苦神貪累苦形華競苦精身累苦魂五苦三途故曰八難也人能知歸根復命之道攝情還性舍妄歸真則三業六根俱已淨絕一具獨露萬幻皆空運元始炁於坎離既濟之中陶魂鑄魄斬地根而證天根是以死魂受鍊生身受度三界不能拘

攝頌超無漏道遙上清之境矣上清之天天帝玉真无色之境梵行幽棲曰上清之天其三十六天帝最尊極也道齊元始位列玉清故曰玉真即上清以下三十六天不同三十二天也有景無

色故曰梵行梵行者道中之道天中之天出入無間真空无礙也又龍躡經云上清十二天九真所居天帝玉真天中之帝體涵瑩玉氣御至真以其脩鍊純粹故曰玉真蓋上文言道遙上清此特釋上清之天帝居於无色之境之上精脩梵行以證道成真也東方八天

默菴曰此三十二天之序引俗本於此添元始靈書上篇道君撰九字不可從自黃曾天至七曜天元始積九陽炁以成六天為欲界二天為色界天欲界有六天即下界也此天之人有形有欲觸物添著六欲根淨即登色界太皇黃曾天帝鬱繼玉明

正音開玄攝明天帝內諱鬱繼帝魔隱音
玉明

太明玉完天帝須阿那田

正音保玄道靈天王內文須阿隱音那田

清明何童天帝元育齊京

正音明生九真天王隱諱元育真人內文

齊京

玄胎平育天帝劉度內鮮

正音飄輪默然天帝隱名劉度內鮮

元明文舉天帝醜法輪

正音開生舒天帝內文醜異號法輪

上明七曜摩夷天帝恬愴延

正音廷虛明天帝內音恬愴隱號延

虛无越衡天帝正定光

正音鏡無翹天帝內文正定光

太極濛翳天帝曲育九昌

正音阿難淨明天王隱號曲育總文九昌

南方八天

元始積三陽梵炁以成八天屬色界四天
為蒼塵四天為細塵

赤明和陽天帝理禁上真

正音治安保仙天王隱號理禁上真

玄明恭華天帝空謠醜音

正音飛音洞靈天帝內文空謠醜音

曜明宗飄天帝重光明

正音翹真英天帝總號重光明

竺落皇茹天帝摩夷妙辯

正音難玄明天帝隱諱摩夷內音妙辯

虛明堂耀天帝阿椰婁生

正音彌綸玄明天帝隱音阿椰梵號婁生

觀明端靖天帝鬱窳羅千

正音朗觀耀明天帝隱文鬱窳內號羅千

玄明恭慶天帝龍羅善提

正音威清道玄飛天內音龍羅帝君隱號

善提

太煥極瑤天帝宛黎无延

正音洞真永觀天王內文宛黎无延

西方八天

自越衡天至曇誓天元始積七陽梵炁以
成二天為色界六細塵六輕塵色界有十

八天即中界也此天之人有形無欲而有

六色十八塵六塵俱淨昇入无色界

元載孔昇天帝閉真定光

正音開光竟真帝君內音開隱諱真定光

太安皇崖天帝婆婁阿貪

正音暉莫阿魂天君隱音婆婁帝魔內諱

阿貪

顯定極風天帝招真童

正音回翹威天君祕號招真童

始皇孝芒天帝薩羅婁王

正音君華大權玉真隱文薩羅婁王

太皇翁重浮容天帝閔巴狂

正音惠威光帝君內文閔巴狂

无思江由天帝明梵光

正音朗明法元帝君內號明梵光

上撰阮樂天帝勃勃監

止音鬱元真星天帝內文勃勃內號監

无極曇誓天帝飄翳穹隆

正音飛天虛英天魔內文飄翳天君隱諱
穹隆

北方八天

自皓庭天至秀樂天元始積五陽梵炁以成四天為无色界四天為種民即上界也至真無情人民化生色欲俱空備至此天皓庭霄度天帝慈覺帝

正音元清明帝君內音慈覺帝

淵通元洞天帝梵行觀生

正音法權道光天君內音梵行隱譚觀生

太文翰窈妙成天帝那育醜音

正音靈熏惠光帝魔內文那育醜音

太素秀樂禁上天帝龍羅覺長

正音陽威耀清天帝內文龍羅覺長

太虛无上常融天帝總監鬼神

正音攝靈真天帝攝魔內音總監鬼神

太釋玉隆騰勝天帝眇眇行元

正音空微道明帝君隱號眇眇行元

龍變梵度天帝運上玄玄

正音拘靈妙光天王內文運上玉真總音

玄玄

太極平育賈奕天帝大擇法門

正音永玄久生天王總文大擇法門

已上正文皆元始天尊所說觀復曰此諸天玉諱玉音皆以赤晶之玉碧字刻之秘於上清天中自皇曾天至禁上天是為三界即欲界色界无色界欲界六天自皇曾天至七曜天此天之人有形有欲觸物染著初上二天以身為欲其二天接手為欲其五天以口說為欲其六天以眼視為欲以有色欲交接陰陽故名欲界因其欲樂易至衰敗壽命終盡復論諸趣能知脩習六欲根淨則登色界即中界也色界十八天自越衡天至暈著天此天之人有六色十八塵曰六籠塵六細塵六輕塵一塵淨升一天十八塵淨升无色界即上界也无色界四天自皓庭天至秀樂天也太乙真科曰无色界中至真無情不交陰陽人之化生但敬真炁无復形質備至第一天惟存心識以入炁觀若心識除次第而升若結習俱忘不著有無洞入自然升種民天如大劫交水火不到惟風浩蕩莽芒天至

霄度六天為風所壞元洞天至秀樂天元

炁散而復合更無劫數自常融天至平育天為四種民天洞入真道故本際經云結習已盡超種民天位太乙真科曰上升四洞天入道境隨炁升降灾所不及薛幽棲曰四方之天三十二者四梵天也天帝高真形相宛然雖有真相猶如虛空出入無間矣蓋四方各八天皆積梵炁而成各天帝尊內名隱諱亦皆梵炁結空而有象天尊宣說以度世此所以設經教之無窮而生死受賴矣
三十二天三十二帝諸天隱諱諸天隱名天中空洞自然靈章諸天隱韻天中之音天中之尊天中之神天中大魔天中之靈九和十合變化上清无量之奧深不可詳教落神真
普度天人
默菴曰此言天帝名諱乃天中空洞之炁自然結成之妙也三十二天中則有三十二帝諸天之隱諱隱名隱韻皆梵炁結空而成即生神章所謂混合空洞炁也故曰

自然靈章天中之音即隱韻之遺響也天中之尊即三十二帝也天中之神靈則皆梵炁之功用神妙莫測也大魔則五天魔王也九和十合者九者陽數之成十者陰數之終此陰陽之功用也以其全陰陽之妙用是以變化無窮而徑達上清之境矣上清者輕清之炁屬乎天象乾為六陽之極九和也坤為六陰之極十合也大丹火符之妙盡於是矣无量之奧深不可詳此皆隱諱隱韻之不可得而盡述也數落神真者即五篇數落之義也神真者所謂天中之神也靈章與範數闡廓落於空洞之中是以普度天人生死蒙惠矣或以此為壬辰道君序述元始所說此皆正經之要目豈乃中斷而復續也

今日欣慶受度歷闢諸天請滅三惡斬絕地根飛度五戶名列太玄魔王監舉無拘天門今日者謂元始以經付道君之日也道君乃欣慶受度歷闢諸天天尊於說經之日諸天齊臨是乃開告諸天使為受度天人

滅三惡斬地根度五戶而後名列太玄矣三惡者即三塗也地根者即地獄中之根性也五戶者即五苦也天人受度經法之後三惡五戶皆已剷滅則地獄之根性亦皆斬絕矣是以名列於玄都玉京之上三

界大魔王皆為係舉上升天門無復有拘制夫人能知脩經教內明十回大丹之道三業六根俱已清淨則苦輪罪華皆一空寂金母既萌聖胎圓就真炁流行於諸天之內陽神脫體三界混融雖大勳魔王亦皆舉手讚奉上升天門無有拘束又何地根之未絕也此非積功累行之至則不能至動為外魔所障地根且不能絕況能超入天門也哉學者可不慎歟

東斗主算西斗記名北斗落死南斗上生中斗大魁總監眾靈

東斗五星西斗四星北斗七星南斗六星中斗三星或以東南西北七宿為四方之斗以北斗為中斗蓋天官書曰斗為帝車運於中央臨制四方以察妖祥又真一口

訣云斗中自有五斗陽明為東斗陰精為西斗丹元為南斗北極為北斗天關為中斗法中謂天以斗為心故曰天罡所指晝夜常輪中斗大魁即魁星也則北斗謂之天樞宜居中也為萬靈之主宰是以總監

眾靈也人以心為斗心之七竅象斗數也心居一身之中為五官之主宰神明之宅舍也天人學士受度之後則四斗為之註算記名落死上生中斗則總統於中萬靈護體脩丹之士周天火符皆由天罡內運循歷二十八宿七十二候陽火陰符既濟而後丹成道備矣

青帝護魂白帝侍魄赤帝養氣黑帝通血黃帝中主萬神無越
默菴曰此言對待之體其應河圖蓋三五之妙生成之體也五帝在天為五行在地為五臟在人為五臟之神青帝姓常諱精明護魂治肝白帝姓混諱摩收侍魄治肺赤帝姓炎諱洞丹養氣治心黑帝姓玄諱明通血治腎黃帝姓麻諱忠慎中主黃

宮制御萬神大洞五帝錄云五帝與天地
 同存陰陽始判化生五行靈寶法中紅杏
 磨針襪臘墨黑靈寶為五帝也肝護魂拘
 三魂也肺侍魄制七魄也心主養氣腎主
 藏精水火相資則二炁交姤得度之士則
 受鍊更生五帝降氣化生五臟以成五行
 而後度品南宮即五臟結胎嬰也脩丹之
 士得攢簇五行顛倒之術一炁周流於中
 黃之宮萬神混合於九竅之內五帝降神
 而鍊金液降炁以結胎嬰久之五炁朝元
 擒鉛制汞歸于真土而丹成仙師曰精神
 魂魄意化作紫金霜是也
 青天魔王巴元醜伯赤天魔王負天擔石白
 天魔王反山六目黑天魔王監醜朗馥黃天
 魔王橫天擔力五帝大魔萬神之宗飛行鼓
 從總領鬼兵魔幢鼓節遊觀太空自號赫奕
 諸天齊功上天度人嚴攝比鄴神公受命普
 掃不祥八威吐毒猛馬四張天丁前驅大帥
 仗旛擲火萬里流鈴八衝敢有干試拒遏上
 真金鉞前戮巨天後刑屠割鬼爽風火無停

千千截首萬萬剪形魔無干犯鬼無妖精三
 官比鄴明檢鬼營不得容隱金馬驛程普告
 無窮萬神咸聽三界五帝列言上清
 默菴曰此言流行之用其應洛書九一之
 數五天魔王上四言位號中二言諱下二
 言字又青天魔王姓斌諱齒成赤天魔王
 姓佛名由肅白天魔王姓赤名張市黑天
 魔王姓徐名直事黃天魔王姓天門名波
 狂皆主人貪欲耗搖神氣障敗道緣故曰
 魔王五帝大魔即五天之下魔王也居萬
 神之首是曰宗也即人身五官也玉清隱
 書云五帝魔王領官屬與天同生常惱亂
 學道之士不欲成功又自矜於諸天上帝
 齊其聖功後因龍漢開圖乃服元始之化
 故步虛頌曰魔王敬受事故能朝諸天此
 言魔王作歌以敗亂學者自服元始之化
 而後專職魔試而已飛行鼓從總領鬼兵
 言其飛行三界鼓率部領鬼兵侍從也魔
 幢鼓節自號赫奕言其魔揚旛幢鼓舞旌
 節遊觀乎太空之上自號赫奕之功與諸

天齊也上天度人嚴攝比鄴者即比都羅
 鄴也上天閑度人之功先嚴戒比鄴鬼官
 不得過算絕命承天尊開度順化而行救
 攝鬼帝普告冥開宣約示禁則無輒肆害
 於末學矣神公受命普掃不祥者幽棲曰
 神公者大羅无極神公也神公受救命五
 帝大魔掃除不祥護衛學者大魔承命以
 八威神龍吐毒而收邪猛馬駕車而四布
 天丁秉命前驅大帥仗幡後從火鈴大將
 擲火萬里火燄八衝敢有干試拒遏上真
 者敢有拒遏上帝之救命者也前則金鉞
 行戮後則巨天之斧施刑屠割鬼精妖爽
 之干試如風火之疾不暫停也神威所至
 千千截首萬萬剪形皆不留蹤矣以至魔
 試無所干犯鬼魂滅其妖精學者至是則
 功圓道備內外一如三官比鄴明檢鬼營
 不得容隱金馬驛程三官九府北都羅鄴
 皆考校世人幽明罪福善惡之司明檢鬼
 營罪錄黑籍應有學士宿業重殃先亡祖
 孺未蒙原宥者不得容隱停滯咸與調除

驛馬呈上而道遠上清矣昔告無窮萬神
咸聽徧告十方三界咸使知聞悉遵
天尊命今三界五帝諸天大魔列言保舉
馳奏上清矣默卷曰此言受度之人天門
不得拘阻魔鬼不得干試是也

元始無量度人上品妙經通義卷之二

元始無量度人上品妙經通義卷之三 未大

通義卷之三

元洞玉曆龍漢延康劫眇億劫混沌之中
少微曰此論劫運成壞故有龍漢延康之
首龜山玄籙云元洞上皇炁也天尊結元
洞之炁為玉曆之書以龍漢劫為初劫開
圖曰亦明劫終曰延康劫循環無窮終而
復始劫終之後三界空壞萬物精爽長在
太空故曰延康為壞劫之稱亦明為開圖
之始九品經曰昔混元溟津諸天未分元
始肇形五劫初化乃命梵元祖履道君肇
錄天元運乘五劫故元洞者以成祖炁玉
曆者以紀天元自一炁化分三因成九若
龍若舞蟠曲九道漢漢無極總九陽祖炁
之元太上乃運梵合炁開始青天元祖炁
故東方得九炁以分天境劫號龍漢南方
得三炁以分天境劫號亦明中央得十二
炁以分天境劫號上皇西方得七炁以分
天境劫號延康北方得五炁以分天境劫
號開皇五劫既周昊天成象一炁混沌八

景流光八帝示形九霄分化結元洞五陽
之炁為玉曆乃命天真皇人以玉曆紀元
洞之初劫運流復之本天真皇人學仙功
績升退之道夫元洞者元始大洞之祖炁
也由祖炁結而成玉曆天真皇人接筆以
紀劫運之數始於龍漢終於延康歷劫之
久成壞非一聚散不常散而復聚仍歸于
混沌之中不知其幾千萬億眇眇而不可
窮也

上无復色下无復淵風澤洞虛金剛乘天天
上天下无幽无冥无形无影无極无窮溟津
大梵寥廓无光

默卷曰此引龍漢祖劫之事以啓亦明第
二劫開圖之旨也龍漢之劫既壞天地上
下皆非色象可見也嚴東曰每劫運終三
光晦冥天地混沌上有何色下有何淵是
矣薛幽棲曰風澤者道之炁金剛者精之
炁道炁至柔則洞洽於虛精炁至剛則運
乘於天蕭觀復曰風者有炁無形澤者有
形無質乃虛无自然之理所謂道之炁是